



ՖԻՐՈՒԶԱ ՄԱՅԻԼՅԱՆ

ՀՊՏՀ տնտեսագիտության տեսության ամբիոնի դոցենտ,
տնտեսագիտության թեկնածու

ՄԱՐԴԿԱՅԻՆ ԿԱՊԻՏԱԼԻ ԸՆԴԳՐԿՄԱՄԲ ՏՆՏԵՍԱԿԱՆ ԱՃԻ ՄՈՂԵԼԵՆԵՐԻ ԿԱՏԱՐԵԼԱԳՈՐԾՄԱՆ ՀԱՐԱՎՈՐ ՈՒՂԻՆԵՐԸ

Հոդվածում քննարկվել են տնտեսական աճի ժամանակակից մողելները՝ մարդկային կապիտալի ընդգրկմամբ: Ներկայացվել են այդ մողելների առավելություններն ու թերությունները: Մասմավերապես՝ առաջարկվել է տնտեսական աճի մողելների կառուցման ժամանակ առաջնորդվել աճող հաստուցի կամխաղրույթով: Նշված մողելների կատարելագործման մյուս ձանապարհը աճի մողելներում մարդկային կապիտալի իրացման աստիճանն արտահայտող ցուցանիշի մշակումն ու ներդրումն է:

Հիմնաբառեր. տնտեսական աճ, մարդկային կապիտալ, աճող հաստուց, նվազող սահմանային օգտակարություն, մարդկային կապիտալի իրացում

JEL: J24, M12, O15, O4

Ժամանակակից հասարակության տեխնոլոգիական զարգացման աննախադեպ տենապերը լուրջ վերափոխումներ են առաջացրել մարդկային հասարակության բոլոր ոլորտներում և պայմանավորել վերարտադրության ողջ գործընթացում մարդու տեղի ու դերի լուրջ վերահմաստավորման անհրաժեշտությունը: Դա արտահայտվում է տնտեսագիտության հետաքրքրության աճով, որ վերաբերում է մարդու ստեղծագործական ունակությունների առավել խոր ուսումնասիրմանը և դրանց ակտիվացման ուղիների վիճակում: Աստիճանաբար անցում է կատարվում հասարակական կյանքի զնահատման մարդակենտրոն չափանիշներին, ինչը, իր հերթին, պահանջում է առողջապահության, կրթության, մշակույթի և մարդու վերարտադրությունն ապա-

հովող այլ ոլորտների դերի վերահմաստավորում: Ժամանակակից տնտեսությունը բնութագրվում է յուրահատուկ շարժունակությամբ (դինամիզմ) և դրանում ծավալվող գործընթացների բարդությամբ: Տնտեսական կապերի բարդությունն ու բազմազանությունը, կառավարման նոր ձևերի ներդրումն ու սոցիալ-հոգեբանական գործոնների նշանակության մեծացումը նոր պահանջներ են առաջարրում տնտեսագիտությանը:

XXI դարի սկզբին վերահմաստավորվեց մարդու դերը տնտեսության մեջ: Մարդու մտավոր, ստեղծագործական կարողությունները սկսեցին դիտարկվել որպես տնտեսական զարգացման գլխավոր գործոն: Ներկայումս գրեթե համընդունելի է դարձել այն մոտեցումը, որ ներդրումները մարդկային կապիտալում կայուն տնտեսական աճի առավել կարևոր աղբյուր են: Աստիճանաբար տեղի է ունենում և տեսամեթոդաբանական, և գործնական մակարդակներում ամրագրված շատ դրույթների վերագնահատման անշրջելի գործընթաց, ինչն իր արտացոլումն է գտել տնտեսական աճի նոր մոդելներում:

Տնտեսագետները միշտ կարևորել են մարդու արտադրական ունակությունների դերը տնտեսական առաջընթացի ապահովման գործում, բայց, սկսած նախորդ դարի 50–60-ական թվականներից, մարդկային կապիտալի տեսությունը լուրջ դերեց և 60-ական թվականներից սկսեց օգտագործվել որպես տարբեր երկրների տնտեսական աճերի միջև եղած տարբերությունները բացատրող հիմնավոր տեսություն: 1975–1976 թթ. Ճգնաժամը պատճառ դարձավ, որ շատ տնտեսագետներ թերահավաստորեն վերաբերվեն կրթության դերին՝ տնտեսական աճի ապահովման գործում: Սկսած 80-ական թվականներից՝ հետաքրքրությունը կրթության՝ որպես հարստության ապահովման միջոցի նկատմամբ մեծացավ¹: Տնտեսական աճի էնդոգեն (ներծին) տեսության շրջանակներում իրականացվեցին նոր հետազոտություններ Ռ. Նելսոնի, Է. Ֆելպսի, Կ. Էրոուի, Հ. Ուզավայի և այլոց կողմից: Ակնհայտ է, որ մարդկային կապիտալի և տնտեսական աճի փոխագնեցությունը բավական բարդ է, պարզ չեն նաև մարդկային կապիտալի տնտեսական աճի վրա ունեցած ազդեցության մեխանիզմները: Դա է պատճառը, որ շատ տնտեսագետներ առաջարկում են մարդկային կապիտալի զնահատման տարբեր մոտեցումներ և տնտեսական աճի վրա մարդկային կապիտալի ունեցած ազդեցության չափի որոշման տարբեր եղանակներ:

Ղերևան 1965 թ. Հ. Ուզավան հիմնավորեց, որ նորդասական մոդելներում կայուն տնտեսական աճը կարող է բացատրվել ոչ թե էկզոգեն (արտածին), այլ էնդոգեն գործուներով: Նա, այսպէս կոչված, Սոլոուի մնացորդը մեկնաբանեց որպես մեկ աշխատողին բաժին ընկնող մարդկային կապիտալի մեծություն:

Վ. Նորդիաուսը 1969 թ. և Կ. Շելլը 1973 թ. առաջարկեցին աճի մոդելներ, որտեղ գիտատեխնիկական առաջընթացը դիտարկվում էր որպես նոր տեխնոլոգիաների կիրառումից քվազիռենտայի կորզման ակնկալիք ունեցող տնտեսական սուբյեկտների գիտակցված ընթրության արդյունք: Տնտեսական աճի պահանդական մոտեցումը ենթադրում է, որ տեխնոլոգիական առաջընթացը հիմնարար գիտության կողմից գեներացվող գիտելիքների կուտակման արդյունք է: Գիտելիքների կուտակումը դիտարկվում է որպես էկզոգեն

¹ Տես Մելքոնես Հ.Լ., Դյեօ Կ.Բ., Էկономика образований: не выполненные обещания // “Экономика образования”, 2009, №6, էջ 126.

գործոն: 1980-ական թվականներին ձևավորվեց աճի էնդոքտն մոդելների կառուցման երկու հիմնական մոտեցում:

Առաջին խմբին դասվում են Զ. Գրոսմանի և Է. Հելվինանի տեսությունները, որոնք աճի կարևոր գործոն են համարում գիտահետազոտական և փորձահնտենտական մշակումները (ԳՓՄ) (Research & Development): Նրանք գնահատել են գիտատար նորամուծությունների ազդեցությունը տնտեսական աճի տեմպի վրա՝ օգտագործելով եռհատվածանի մոդել (ԳՓՄ, միջանկալ և վերջնական ապրանքների արտադրություն), որը հաշվի է առնում նաև մարդկային կապիտալի միջազգային շարժը:

Ֆ. Ազիյոնը և Պ. Հոռովիտը նույնական տնտեսական աճի կարևոր գործոն են համարում տեխնոլոգիական առաջընթացը, ինչը պայմանավորված է ապրանքային և տեխնոլոգիական նորամուծությունների հրականացնող ֆիրմաների միջև մրցակցությամբ: Հետազոտական հատվածի ֆիրմաների հիմնական շարժառիթը մենաշնորհային ռենտայի ստացման հեռանկարն է: Աճի էնդոքտն տեսությունների երկրորդ խմբին են դասվում այն տեսությունները, որոնք տնտեսական աճի կարևոր գործոն են համարում մարդկային կապիտալը: Այդ տեսության առաջամարտիկներից են Պ. Ռոմերը (1986), Ո. Լուկասը (1988) և Ս. Ռեբելոն (1991): Նրանց մշակած մոդելներում տնտեսական - աճը բացատրվում է մարդկային կապիտալու կատարվող ներդրումներով և արտադրության ընթացքում գործնական ուսուցմանը (փորձով): Ընդ որում, ուսման ժամանակ առաջացող արտաքին դրական էֆեկտների գոյությունը հակազդում է մարդկային կապիտալի սահմանային արտադրողականության նվազմանը: Նշենք, որ աճի առաջին էնդոքտն մոդելները հիմնված էին 1960-ական թթ. իրականացված հետազոտությունների վրա, որոնք իրենց ժամանակին լայն տարածում չառացան: Խոսքը 1962 թ. էռոուի և 1965 թ. Ռուզավայի կողմից մարդկային կապիտալին առնչվող ուսումնասիրությունների մասին է, որոնք հիմնավորում էին աճի մոդելներում ուսման ընթացքում առաջացող արտաքին էֆեկտների հաշվառման կարևորությունը:

Տնտեսական աճին և մարդկային կապիտալի կուտակման փոխազդեցության վերլուծությանն ու մոդելավորմանն է Վերաբերում Ո. Լուկասի հայտնի աշխատությունը, որտեղ նա հիմնավորում է մարդկային կապիտալի կուտակման կարևոր նշանակությունը տնտեսական աճի ապահովման գործում: Ընդ որում, տարբեր երկրների տնտեսական աճի տեմպերի տարբերությունը պայմանավորվում էր մարդկային կապիտալի կուտակման տեմպերի տարբերություններով: Ո. Լուկասը մարդկային կապիտալ էր համարում բարեկեցությունը առավելագույնի հասցնող ներդրումային որոշումների արդյունքում (տարրական կրթություն, մասնագիտական ուսուցում, աշխատանքի ընթացքում ուսուցում և այլն) ձևավորված մարդու գիտելիքները, փորձը, հմտությունները: Ընդ որում, մարդկային կապիտալում կատարվող ներդրումները նա դիտարկում էր որպես էնդոքտն գործոն:

Ո. Լուկասի մոդելում երկարաժամկետ կայուն տնտեսական աճ հնարին է ապահովել մարդկային կապիտալի կուտակման կայուն տեմպերի պահպանման պարագայում: Տնտեսական աճի մոդելն ունի հետևյալ տեսքը:

$$X(t) = K(t)^a [u h(t) L(t)]^{1-a} [h(t)]^w,$$

որտեղ՝

ս – ն մարդկային կապիտալի ծեավորման վրա կատարված ծախսերն են,

$h(t)$ – ն՝ ժամանակի t պահին մարդկային կապիտալի պաշարը,

ա – ն՝ կապիտալի առաջգականության գործակիցը,

w – ն՝ արտաքին էֆեկտները բնութագրող մեծությունը

$L(t)$ – ն՝ ժամանակի t պահին աշխատուժի քանակը,

$K(t)$ – ն՝ ժամանակի t պահին ֆիզիկական կապիտալը:

Ֆիզիկական կապիտալը որոշվում է հետևյալ բանաձևով.

$$\frac{dk}{dt} = pk(t)^a h(t)^{1-a-w} \cdot u^{1-a} (p+\eta) k(t),$$

որտեղ՝

p – ն կապիտալի կուտակման նորման է,

p – ն՝ տարվա ընթացքում դուրս գրված ֆոնդերի տեսակարար կշիռ՝ $0 < p < 1$,

η – ն՝ գրաղվածների տարեկան աճի տենապը՝ $-1 < \eta < 1$:

Առանձին ֆիրմաներում աշխատողների մարդկային կապիտալի պաշարի (h), տնտեսության մասշտաբով մեկ աշխատողի մարդկային կապիտալի միջին պաշարի (h_0) և առանձին ֆիրմաների թողարկման ծավալների վերլուծության հիման վրա Π . Լուկասը հանգեց այն եզրակացության, որ երկրի մասշտաբով մարդկային կապիտալում ներդրումներ կատարելու անհատական որոշումների արդյունքում համեմատաբար ավելի փոքր ծավալի ներդրումներ են իրականացվում մարդկային կապիտալում: Դրա պատճառն այն է, որ առանձին անհատներ մարդկային կապիտալում ներդրումներ կատարելիս հաշվի չեն առնում դրանց ազդեցությունը այլ մարդկանց արտադրողականության վրա: Այսինքն՝ կրթությունից ստացվող սոցիալական հատուցի նորման գերազանցում է անհատական հատուցի նորման: Π . Լուկասը ենթադրում էր, որ մարդկային կապիտալի միջին մակարդակի աճը հանգեցնում է առանձին անհատների աշխատանքի արտադրողականության աճին:

Π . Լուկասի մոտեցմանը հնարավոր է գնահատել տնտեսական աճի վրա մարդկային կապիտալի կուտակման ազդեցությունը: Π . Նելսոնը և Π . Ֆելպսը (1966 թ.), վերլուծելով մարդկային կապիտալի տնտեսական աճի վրա ունեցած ազդեցության մեխանիզմը, հանգեցին այն եզրակացության, որ զարգացող երկրների նորամուծական հնարավորությունները, տեխնոլոգիաների ընդունակման կարողությունը ուղղակիորեն պայմանավորված են երկրի մարդկային կապիտալի պաշարով: Մարդկային կապիտալի պաշար ասելով նրանք հասկանում էին կրթության, մասնագիտական պատրաստման ընթացքում կուտակված գիտելիքների պաշարը, որոնք տեխնոլոգիական փոփոխություններին հարմարվելու համար անհրաժեշտ կարողությունների զարգացման նախադրյալ են համարվում: Այսիսով՝ մարդկային կապիտալը նպաստում է նորամուծությունների արդյունավետ կիրառմանը, հետևաբան նաև՝ տնտեսական աճին: Օգտագործելով Սոլոու-Սվամի արտադրական ֆունկցիան՝ Π . Նելսոնը և Π . Ֆելպսը A պարամետրի աճը (Սոլոուի մնացորդ) արտահայտեցին հետևյալ կերպ.

$$\frac{dA}{dt} = C(H) \frac{Tt - At}{At},$$

որտեղ՝

T_t – ն տվյալ ժամանակաշրջանում տեսական գիտելիքների փաստացի մակարդակն է,

A_t – ն՝ գիտելիքների առավելագույն հնարավոր մակարդակը տվյալ պահին: Այսինքն՝ A_t -ի աճի տեմպը կախված է գիտելիքների տեսականորեն հնարավոր առավելագույն և փաստացի մակարդակների միջև եղած տարբերություններից և կուտակված մարդկային կապիտալի ($C(H)$) մակարդակից:

Մարդկային կապիտալի տնտեսական աճի վրա ունեցած ազդեցության ուսումնասիրությանը նվիրված մի շարք աշխատություններում քննարկվում է հետևյալ խնդիրը. տնտեսական աճը մարդկային կապիտալի կուտակման գործնթացի՝ արդյունքն է, թե՞ տվյալ պահին կուտակված առկա մարդկային կապիտալի պաշարի: Նշված խնդիրի ուսումնասիրությամբ են զբաղվել Ռ. Բարոն և Խ. Սալահ-Մարտինը: Հետազոտությունների ընթացքում նրանք օգտագործում էին մեկ շնչի հաշվով եկամտի աճի ֆունկցիան.

$$\Delta Y_t = F(Y_{t-1}; h_{t-1}; \dots),$$

որտեղ՝

Y_{t-1} – ն մեկ շնչին բաժին ընկնող ՀԱԱ բազիսային մեծություն է,

h_{t-1} – ն՝ մեկ շնչի հաշվով մարդկային կապիտալի ելակետային (բազիսային) մեծություն, որը հիմնված է կրթության և առողջապահության ոլորտում կատարված ներդրումների տվյալների վրա,

...ը՝ բաց թողնված փոփոխականներ, որոնք արտացոլում են շրջակա միջավայրի որակը:

87 երկրի (1965–1975 թթ.) և 97 երկրի (1975–1985 թթ.) վիճակագրական տվյալների հիման վրա իրականացված հետազոտության արդյունքները վկայում էին բնակչության միջին կրթական մակարդակի և տնտեսական աճի էական կոռելյացիայի մասին: Հաջորդ եզրահանգումն այն էր, որ կրթությանն ուղղվող հասարակական ծախսերը նույնականացնելու համար առաջարկում են տնտեսական աճին: Կրթության նպատակով կատարվող պետական ծախսերի և ՀԱԱ հարաբերակցության 1.5%-ով աճը 1965–1975 թթ. նպաստել է աճի տեմպի արագացմանը 0.3%-ով:

Ո. Նելսոնի և Է. Ֆելպսի մոդելը զարգացրին Ի. Ռենհարիբը և Ս. Շպիգելը: Նրանք ենթադրեցին, որ գիտելիքների տեսականորեն հնարավոր և փաստացի մակարդակների միջև տարբերությունը զարգացող երկրներում հնարավոր է համահարթել զարգացած երկրների տեխնոլոգիաների ընդունակման ձանապարհով: Նրանք արտադրական ֆունկցիան ծնափոխել են հետևյալ կերպ.

$$Y_t = A_t K_t^\alpha L_t^\beta H_t^\gamma,$$

որտեղ՝

H_t – ն կուտակված մարդկային կապիտալն է,

K_t – ն՝ ֆիզիկական կապիտալը,

L_t – ն՝ աշխատողների թիվը,

α, β, γ – ն, համապատասխանաբար՝ կապիտալի, աշխատանքի և մարդկային կապիտալի ձկունության գործակիցները:

Նշված ֆունկցիայի քանակական գնահատման արդյունքում նրանք հանգեցին այն եզրակացության, որ մեկ շնչին բաժին ընկնող ՀԱԱ տեմպի վրա մարդկային կապիտալի պաշարն ավելի մեծ ազդեցություն է թողնում, քան դրա ծնավորման և կուտակման տեմպը:

Տնտեսական աճի վրա մարդկային կապիտալի ազդեցության գնահատման առումով, ամենալայն կիրառությունն ունի Մենքու-Ռոմեր-Ռեյլի մոդելը (1992 թ.), որն, ըստ էության, Քոբ-Շուգլասի և Սոլոուի բազային մոդելների ծնափոխված տարբերակն է՝ հիմնված «մարդկային կապիտալ» գործոնի հաշվառման վրա: Նրանց առաջարկած մոդելը (MRW) ունի հետևյալ տեսքը՝

$$Y_t = K_t^\alpha H_t^\beta (A_t L_t)^{1-\alpha-\beta},$$

որտեղ՝

H_t – ն մարդկային կապիտալի պաշարն է,

A_t – ն՝ գիտատեխնիկական առաջընթացի գործոնը, որը ժամանակի ընթացում փոփոխվում է տրված է տեմպով,

K_t – ն՝ ֆիզիկական կապիտալը,

α – ն՝ ֆիզիկական կապիտալի ձկունության գործակիցը՝ $0 < \alpha < 1$,

β – ն՝ մարդկային կապիտալի ձկունության գործակիցը՝ $0 < \beta < 1$:

Բնակչության աճի տեմպը կայուն է (n), կայուն են նաև ամորտիզացիայի նորման (δ), ֆիզիկական կապիտալի կուտակման նորման (S_k) և մարդկային կապիտալի կուտակման նորման (S_h): Մեկ աշխատողին բաժին ընկնող մարդկային կապիտալը՝ $h=H/AL$, մեկ աշխատողի հաշվով թողարկումը՝ $y=Y/AL$, մեկ աշխատողին բաժին ընկնող ֆիզիկական կապիտալը՝ $k=K/AL$: Այսինքն՝ ինտենսիվ ֆունկցիան կունենա հետևյալ տեսքը. $Y=k^\alpha h^\beta$: Դիտարկենք մեկ աշխատողի հաշվով ֆիզիկական կապիտալի աճը՝ $k(t)$:

$$K(t)=S_k Y(t) - (n+g+\delta) k(t)$$

$$k(t)=0, S_k Y(t) - (n+g+\delta) k(t)-h \text{ դեպքում:}$$

Այս պայմանը համարժեք է՝

$$k = \left(\frac{S_k}{n + g + \delta} \right)^{1-\alpha} h^{\frac{\beta}{1-\alpha}}$$

Մեկ աշխատողի հաշվով մարդկային կապիտալի շարժընթացը բնութագրվում է հետևյալ հավասարմամբ. $h(t)=S_h y(t)-(n+g+\delta)k(t)$

$$h(t)=0, S_h y(t)=(n+g+\delta)k(t)-h \text{ դեպքում:}$$

Այս պայմանը համարժեք է՝

$$k = \left(\frac{n + g + \delta}{S_h} \right)^{\frac{1}{\alpha}} h^{\frac{1-\beta}{\alpha}}$$

Կայուն հավասարակշռության պայմաններում $k(t)=h(t)=0$, այստեղից՝

$$k^* = \left(\frac{S_k^{1-\beta} S_h^\beta}{n + g + \delta} \right)^{\frac{1}{1-\alpha-\beta}}$$

$$h^* = \left(\frac{S_k^\alpha S_h^{1-\alpha}}{n + g + \delta} \right)^{\frac{1}{1-\alpha-\beta}}$$

K^* -ը և h^* -ը տեղադրելով արտադրական ֆունկցիայի մեջ և լոգարիթմելով՝ ստացվում է.

$$\ln \frac{Y(l)}{L(l)} = \ln A(0) + gt + \frac{\alpha}{1-\alpha-\beta} \ln(S_k) + \frac{\beta}{1-\alpha-\beta} \ln(S_h) - \frac{\alpha+\beta}{1-\alpha-\beta} (n+g+\delta) \quad (1)$$

Այս հավաստումը բնութագրում է միջին շնչային եկամտի կախվածությունը բնակչության աճի տեմպից, ֆիզիկական և մարդկային կապիտալի կուտակման տեմպից: Ինչպես և Սոլուի դասական մոդելում, այս մոդելում նույնպես ենթադրվում է, որ ա-ն հավասար է $1/3$ -ի: Մարդկային կապիտալի ներդրումը տնտեսական աճի մեջ գնահատելը շատ ավելի բարդ է: Բայց Գ. Մենքուն, Դ. Ռոմերը և Դ. Ռիելը կիրառում են հետևյալ մոտեցումը: Նրանք ենթադրում են, որ նվազագույն աշխատավարձը արտացոլում է աշխատանք գործոնի հատույցը՝ առանց մարդկային կապիտալի: ԱՄՆ-ում դա կազմում է միջին աշխատավարձի $30\text{--}50\%$ -ը, հետևաբար՝ մնացած $50\text{--}70\%$ -ը ապահովվում է մարդկային կապիտալի հաշվին: Այդ իսկ պատճառով էլ $\beta=1/3-1/2$: Օրինակ՝ եթե $\alpha=\beta=1/3$, ապա $In(Sk)=1$:

Այստեղից հետևում է, որ՝

1. Եթե խնայողությունների աճը հանգեցնում է եկամտի աճին, ապա այդ հանգամանքը պայմանավորում է նաև մարդկային կապիտալի ավելի բարձր, կայուն մակարդակ անգամ այն դեպքում, եթե մարդկային կապիտալի կուտակմանն ուղղվող եկամտի մասնաբաժինը չի փոփոխվում:

2. $In(n+g+\delta)$ -ի գործակիցը իր բացարձակ մեծությամբ պետք է ավելի մեծ լինի $In(Sk)$ -ի գործակիցից: Եթե բերված օրինակում $\alpha=\beta=1/3$, ապա նշանակում է՝ $In(n+g+\delta)$ -ը հավասար է 2 -ի: Ակնհայտ է, որ խնայողությունների աճի տեմպը դրականնորեն է անդրադարձում h^* -ի վրա, իսկ բնակչության աճի տեմպը՝ բացասաբար:

Մոդելի փորձարկումն իրականացվել է 1960–1985 թթ. Երեք խումբ երկրների համար՝ ՏՀՁԿ, զարգացման միջին մակարդակ ունեցող և նավթարդյունահանող երկրներ: Փորձարկման արդյունքները վկայում էին տնտեսական աճի ապահովման գործում մարդկային կապիտալի էական նշանակության մասին՝ առանձնացված բոլոր երկրներում: Բացի այդ, զարգացման միջին մակարդակ ունեցող երկրներում միջին շնչային եկամուտների մակարդակների տարբերության 80% -ը պայմանավորված է մարդկային կապիտալի տարբերություններով: Ճկունության գործակիցները զարգացող երկրներում կազմել են՝ $\alpha=0.31$, $\beta=0.28$, ինչը վկայում է ֆիզիկական և մարդկային կապիտալի գրեթե հավասար նշանակության մասին: Զարգացած և զարգացման միջին մակարդակ ունեցող երկրներում մարդկային կապիտալը ավելի մեծ դեր ունի տնտեսական աճի ապահովման գործում՝ ֆիզիկական կապիտալի համեմատությամբ.

ՏՀՁԿ երկրներում՝ $\alpha=0.14$, $\beta=0.37$, իսկ միջին զարգացման երկրներում՝ $\alpha=0.29$, $\beta=0.30$:

Նշենք, որ այս մոդելի հեղինակները քննարկում էին նաև $\alpha+\beta=1$ էնդոգեն աճի դեպքը՝ զուգամիտության հիմնախնդրի լուծման ակնկալիքով: Նրանք հանգել են այն եզրակացության, որ Սոլոուի մոդելում, անգամ մարդկային կապիտալի հաշվառմաբ, զուգամիտությունը հարաբերական է: Բայց այս մոդելում այն առավել ցայտուն է արտահայտվում:

MRW մոդելը հետագայում կիրառվել է շատ հետազոտողների կողմից, որոնք դրա հիման վրա առաջարկել են մարդկային կապիտալի գնահատման այլընտրանքային տարբերակներ: Այսպես՝ Հելը և Զոնսը (1999 թ.), Բիլը և Քլենոուն (2000 թ.), Կասելին (2004 թ.) արտադրական ֆունկցիան ներկայացնում էին որոշակի ձևով:

Այստեղ մարդկային կապիտալը կախված է ուսման տևողությունից (E).

$$Y=K^\alpha(AH)^{1-\alpha}$$

$$H=e^{\phi(E)}L,$$

որտեղ՝ L – ը աշխատողների թիվն է,

$e^{\phi(E)}$ –ն՝ աշխատուժի արդյունավետությունը:

Աշխատուժի արդյունավետության գնահատման համար նրանք հաշվի էին առնում սոցիալական ինստիտուտների դերը, քաղաքական գործոնները և երկրների աշխարհագրական դիրքը: Դրա նպատակն էր բացահայտել երկրների միջև տարբերությունները պայմանավորող հիմնական գործոնները: Մոդելի փորձարկման արդյունքում նրանք եկան այն եզրակացության, որ սոցիալական ենթակառուցվածքը մեծապես պայմանավորում է աշխատանքի արտադրողականությունը: Մեծ նշանակություն ունի նաև երկրի աշխարհագրական դիրքը, մասնավորապես՝ մերձակայությունը Արևմտյան Եվրոպայի երկրներին:

Ս. Պարկը նման մոտեցումը համարում է թերի, քանի որ այն հաշվի չի առնում բուն մարդկային կապիտալը, այլ հաշվի է առնում միայն դրա ազդեցությունը աշխատուժի արդյունավետության վրա²:

Գործնականում մարդկային կապիտալը անմիջականորեն ազդում է թողարկման ծավալների վրա, հետևաբար՝ պետք է առավել ակնհայտորեն ընդգրկվի մոդելների մեջ: Ս. Պարկը առաջարկեց կուտակված մարդկային կապիտալի հաշվարկման այլ եղանակ՝ հիմնված կրթության նպատակով կատարվող ներդրումների հաշվարկման վրա: Մարդկային կապիտալում կատարվող ներդրումները (Sh) հավասար են կրթության վրա կատարվող ուղղակի (Sh1) և անուղղակի (Sh2) ծախսերի հանրագումարին: Կրթության ուղղակի ներդրումներն իրականացնում են պետությունն ու մասնավոր հատվածը (տնային տնտեսություններ, բիզնես): Անուղղակի ներդրումները հավասար են բաց թողնված եկամտին: Անուղղակի ծախսերը Ս. Պարկը գնահատում է՝ եւնելով միջին աշխատավարձի մակարդակից: Նա հաշվարկներ է կատարել ըստ 22 երկրների և հանգել այն եզրակացության, որ անուղղակի ծախսերը գրեթե հավասար են ուղղակի ծախսերին:

Ամփոփելով վերը ներկայացված մոդելները՝ կարող ենք ասել, որ տնտեսական աճի նոր մոդելները, ընդհանուր առնամբ, արտացոլում են մարդկային կապիտալի կարևոր նշանակությունը տնտեսական աճի ապահովման գործում և առավել հիմնավորված են ներկայացնում երկրների զարգացման տեմպերի միջև եղած տարբերությունները՝ պայմանավորելով դրանք մարդկային կապիտալի մակարդակների միջև եղած տարբերություններով: Այնուհանդերձ, նշված բոլոր մոդելները գերծ չեն որոշ թերություններից: Նախևառաջ՝ հիմնված են մարդկային կապիտալի նվազող սահմանային արտադրողականության կանխադրույթի վրա, ինչը չի ապացուցվում գոյություն ունեցող փորձնական տվյալներով: Փորձառական տվյալները հերքում են նաև մասշ-

² Տե՛ս Park, S., Revisting Mankiw, Romer & Weil, A Contribution to the Empirics of Economic Growth/ University of Michigan, 1992 (<http://241.212.177.75/econ/>):

տարից կայուն հատույցի կանխադրույթը: Այդ տվյալները վկայում են երկարաժամկետ հատվածում աճող հատույցի փաստի մասին: Այսպես՝ Մ. Տողարուն նշում է, որ աճի էնդոքտն մոդելների փորձարկման արդյունքները հերքում են կապիտալի նվազող սահմանային արտադրողականության նորդասական կանխադրույթը և թույլ են տալիս ենթադրել, որ ողջ տնտեսության սահմաններում գործում է մասշտաբի դրական էֆեկտը՝ պայմանավորված արտաքին էֆեկտների ազդեցությամբ³: Նշենք, որ Պ. Ռոմերը նույնպես չէր բացառում, որ ազդեցությամբ արտադրական ֆունկցիան կարող է բնութագրվել մասշտաբի աճող հատույցով⁴: Ընդ որում, նա ապացուցեց, որ աճող հատույցը հնարավոր է միայն այն պարագայում, եթե նոր գիտելիքները ներդրվում և կիրառվում են արտադրության մեջ⁵:

Կարծում ենք՝ նշված մոդելների գործնական գնահատման ժամանակ դրսևորված աճող հատույցը պայմանավորված է երկարաժամկետում հենց մարդկային կապիտալի աճող հատույցով, ինչն արտահայտվում է ոչ թե ըստ առանձին անհատների, այլ ըստ ողջ հասարակության: Այդ իսկ պատճառով էնդոքտն մոդելների հետագա կատարելագործումները պետք է հիմնված լինեն այս կանխադրույթի վրա:

Այս մոդելների թերություններից է նաև այն, որ դրանցից ոչ մեկը չի բացատրում մարդկային կապիտալի և տնտեսական աճի փոխազդեցության մեխանիզմը: Գրեթե բոլոր մոդելներում անուղղակիորեն ենթադրվում է, որ մարդկային կապիտալի կուտակման գործընթացն ինքնին, կամ կուտակված մարդկային կապիտալի պաշարը կայուն, երկարաժամկետ տնտեսական աճի պահովման անհրաժեշտ և բավարար պայման են: Նման մոտեցումները միակողմանի են, քանի որ տնտեսական աճը և տնտեսական զարգացումը պայմանավորված են ոչ միայն մարդկային կապիտալի պաշարով, մարդկային կապիտալում ներդրումների աճի տեմպով, այլ նաև մարդկային կապիտալի արդյունավետ իրացմանը: Մարդկային կապիտալ ներդրումները տնտեսական աճի ներուժային գործոն են: Մարդկային կապիտալը զարգացման աղբյուր է դաշնում միայն արդյունավետ օգտագործման դեպքում, եթե ստեղծված են դրա իրացման անհրաժեշտ տնտեսական, սոցիալական, ինստիտուցիոնալ նախադրյալները: Այս հանգամանքն էլ ավելի է կարևորվում զարգացող երկրների պարագայում, որոնց մեծ մասում կուտակված է մարդկային կապիտալի մեծ պաշար, բայց անարդյունավետ իրացման պայմաններում չի կարող ապահովել համարժեք տնտեսական աճ:

Կարծում ենք՝ տնտեսական աճի էնդոքտն մոդելներում անհրաժեշտ է հաշվի առնել մարդկային կապիտալի իրացման մակարդակը, ինչը կնպաստի մոդելների որակի կատարելագործմանը: Մարդկային կապիտալի իրացման մակարդակի ցուցանիշի ընդգրկումը աճի մոդելներում թույլ կտա առավել հիմնավոր ձևով բացատրել երկրների միջև աճի տեմպերի տարբերությունները, աճի որակի տարբերությունները: Բացի այդ, հնարավոր կլինի բացահայտել երկրների տնտեսական աճի տարամիտության խորթային պատճառները:

³ Տե՛ս Տօդար Մ. Պ., Экономическое развитие /пер. с англ., под ред. С. М. Яковлева, Л. З. Зевина. М., Экономический факультет МГУ, "ЮНИТИ", 1997, էջ 95:

⁴ Տե՛ս Romer Paul M., Increasing returns and long-run growth// journal of political economy, 1986, vol. 94(5), էջ 1013:

⁵ Տե՛ս նույն տեղը, էջ 1002–1037:

Օգուազործված գրականություն

1. Мельместер Ж.Л., Дьебо К.В., Экономика образования: невыполненные обещания // “Экономика образования”, 2009, №6.
2. Тодаро М. П., Экономическое развитие. Пер. с англ., под ред. С. М. Яковлева, Л. З. Зевина. М., Экономический факультет МГУ, “ЮНИТИ”, 1997.
3. Romer Paul M., Increasing returns and long-run growth// journal of political economy, 1986, vol . 94(5).
4. Park. S., Revisiting Mankiw, Romer & Weil, A Contribution to the Empirics of Economic Growth/ University of Michigan, 1992.

ФИРУЗА МАИЛЯН

Доцент кафедры Экономической теории АГЭУ,
кандидат экономических наук

Возможные пути усовершенствования моделей экономического роста с человеческим капиталом. – В статье рассмотрены основные эндогенные модели экономического роста с учетом человеческого капитала. Автором были выявлены достоинства и недостатки названных моделей и предложен новый подход к оценке роли человеческого капитала в экономическом росте стран. В частности, рассмотрена предпосылка возрастающей отдачи человеческого капитала, и предложен показатель эффективности реализации человеческого капитала.

Ключевые слова: человеческий капитал, экономический рост, отдача от масштаба, инновационная экономика, постиндустриальное общество, модели роста, убывающая предельная производительность, положительные экстерналии образования, реализация человеческого капитала, качество экономического роста.

JEL: J24, M12, O15, O4

FIRUZA MAYILYAN

Associate Professor at the Chair of
Theory of Economics at ASUE, PhD in Economics

Possible Ways to Improve Models of Economic Growth with Human Capital. – In this article basic endogenous models of economic growth based on human capital are studied. Strengths and weaknesses of these models are identified, and a new approach to assessing the role of human capital in countries' economic growth is proposed. In particular, a precondition for the increasing returns of human capital and a rate of effectiveness of human capital realization are offered.

Key words: *human capital, economic growth, returns of scale, innovative economy, post-industrial society, growth models, diminishing marginal productivity, positive externalities of education, realization of human capital, quality of economic growth.*

JEL: J24, M12, O15, O4